

Besplatne obuke za mlade u sklopu Regionalnog programa lokalne demokratije na Zapadnom Balkanu

Regionalni program lokalne demokratije na Zapadnom Balkanu kojeg finansira Evropska unija (EU), a implementira Razvojni program Ujedinjenih nacija (UNDP) poziva mlade osobe na besplatni program neformalnog obrazovanja iz oblasti „Grafički Dizajn“ i „Web Dizajn“

PRAVO UČEŠĆA

Učešće u obukama mogu ostvariti mlade osobe uzrasta od **18 do 35** godina, a koji imaju sljedeći status:

- Nezaposlene mlade osobe (dokaz: **potvrda o nezaposlenosti iz evidencije Zavoda za zapošljavanje/Službe za zapošljavanje ili potvrda o izmirenim poreskim obavezama**),
- Studenti/ice prvog i drugog ciklusa studija (dokaz: **potvrda o studiranju**),
- Prebivalište na području jedne od 13 partnerskih gradova/općina/opština ReLOaD2 projekta: Bihać, Centar Sarajevo, Gacko, Goražde, Istočno Sarajevo, Gradiška, Mostar, Novo Sarajevo, Prijedor, Prozor-Rama, Rudo, Ugljevik i Vitez (dokaz: **potvrda o prebivalištu**).

Obuka iz oblasti Grafičkog Dizajna

Obuka iz **grafičkog dizajna** pruža temeljno razumijevanje osnovnih principa dizajna, pripremajući polaznike za uspješan ulazak na tržište rada. Namijenjena je mladim, kreativnim pojedincima željnim usavršavanja, težnjom za sticanjem novih vještina. Kroz program obuke, polaznici će imati priliku produbiti svoje znanje o ključnim aspektima dizajna, uključujući pripremu za printanje, kreaciju logotipa, dizajn vizuala za društvene mreže, izradu postera i mnogo drugih relevantnih područja. Uz predavanja, radionice i praktične projekte, polaznici će dobiti priliku razviti vještine, koje će im pomoći pri pronalasku poslovnih prilika nakon završetka obuke. Svi zainteresovani mladi ljudi pozvani su da se pridruže ovoj inspirativnoj obuci, gdje će im se otvoriti vrata ka dinamičnom svijetu grafičkog dizajna.

Dodatne informacije

Trajanje obuke: 3 mjeseca, dva do tri puta sedmično (8. januar – 7. april 2024. godine).

Format izvođenja obuke: online.

Uslov: poznavanje rada na računaru, posjedovanje računara i stabilna internet veza.

Planirani broj učesnika/ica: **16 mladih osoba**.

Obuke iz oblasti Web Dizajna

Polaznici/polaznice obuke će kroz napredni i dinamičan program imati priliku istražiti fascinantni svijet **web dizajna**. Glavni cilj obuke je osnažiti učesnike/ice za samostalno planiranje, oblikovanje i kreiranje web sadržaja. Ova obuka je posebno prilagođena mladima koji su zainteresovani za preusmjeravanje svoje karijere, proširenje već postojećih ili usvajanje potpuno novih znanja. Kroz strukturisan program obuke, polaznici će steći temeljno razumijevanje ključnih principa web dizajna, od povećanja korisničke interakcije do estetskog oblikovanja web stranica. Ova prilika nije samo za one koji žele unaprijediti svoje profesionalne vještine, već i za one koji su željni istražiti inovativni svijet web dizajna i razviti svoju kreativnost.

Dodatne informacije

Trajanje obuke: 3 mjeseca, dva do tri puta sedmično (8. januar – 7. april 2024. godine).

Format izvođenja obuke: online.

Uslov: poznavanje rada na računaru, posjedovane računara i stabilna internet veza.

Planirani broj učesnika /ica: **16 mladih osoba**

VAŽNA NAPOMENA:

U slučaju većeg broja prijava od predviđenog broja učesnika, ReLOaD2 projekat zadržava pravo da obavi dodatni intervju sa prijavljenim kandidatima. Prednost prilikom izbora učesnika/ca imaju nezaposlene mlade osobe koje se vode na evidenciji službi/zavoda za zapošljavanje, a nakon toga studenti/ce.

Prednost u svakoj od kategorija će imati osobe sa invaliditetom ili poteškoćama.

NAČIN PRIJAVE:

Polaznici/ce se prijavljuju putem: [ONLINE FORMULARA](#)

Pored obaveze popunjavanja linka, neophodno je priložiti sljedeće dokumente:

- Potvrda o nezaposlenosti iz evidenciji koju izdaje Zavod za zapošljavanje/Služba za nezaposlene (za nezaposlene osobe),
- Potvrda o studiranju (za studente) i
- Potvrda o prebivalištu (CIPS) za sve koji se prijavljuju.

Ovaj poziv ostaje otvoren najkasnije do **22. decembra 2023. godine do 15.00 časova**.

Nakon što se provede konkursna procedura (koja može uključivati intervju), primljeni kandidati/kinje će dobiti obavještenje putem e-maila.

Za sva dodatna pitanja pošaljite e-mail na registry.ba@undp.org sa naznakom – Besplatne certifikovane obuke ReLoaD2 projekat.

